

dieses Brieffs außgeschrieben / vnd ansehen
 haben lassen / auff welchen Landtag vnter an-
 dern gemeinen nützlichen handlungen / von den
 Ständen des Königreichs Böhem / als Herr-
 schafft / Ritterschafft / vnd auch den Prägern
 vnsern lieben getreuen / bitt vnd begehren an vns
 gelanget worden / damit wir ihre getreue / willige
 vnd nützbare Dienste / die sie vnserm Vorsah-
 rern / Römischen Keysern vnd Königen zu Böh-
 hem / als ihren Herren / vnd vns defgleichen
 zu aller zeit williglich geleistet haben / vnd in
 künfftigen zeiten zu leisten sich erbieten thun /
 ansehen wolten / nemlich: demnach / als diß Kö-
 nigreich aus gnaden des Allmächtigen / vber
 andere Christliche Länder mit Bergwercken vnd
 Metallen / vnd sonderlich von Goldt vnd Sil-
 ber begabet / daß wir vns mit ihnen derhalben
 (damit solche Bergwerck desto städtlicher auff-
 kommen / vnd vns vnd vnsern getreuen Vn-
 terthanen des Königreichs Böhems zum be-
 sten erbawet) gnedigst vereinigen vnd verträ-
 gen geruheten. Zu solcher ihrer Bitt / die wir billich
 geachtet / in bedencung / je mehr wir vnsern Vn-
 terthanen gnad erzeigen / je mehr sie Lust vnd
 Lieb zur erbawung vnd erhebung des Berg-
 wercks gewinnen werden / dardurch vnser vnd
 vnser Erben / vnd künfftigen Königen zu Böh-
 hem / vnd dieses Königreichs Nutz vnd gedey-
 en seyn würdt / sind wir bewegt worden / vnd
 mit guten bedacht / vnd vnsern guten endlichen
 wissen / aus vnserer Königlichen Macht / als
 Böhemischer König / haben wir omb die her-
 nach geschriebene Artickel / allerley Metall hoch
 vnd